

lis defensio et demonstratio jurium ex parte provinciae ac Visitatorum Apostolicorum in ejusdem favorem, propter quae iterum provinciae omnia jura priora restituta fuerunt. De unoquoque puncto aliqua dicere oportet, cum non levis momenti sint, et quia est ultima controversia ante hierarchiae ordinariae instaurationem, in qua omnia hucusque exposita sese manifestarunt.

Novus episcopus statim post susceptum officium Vicariatus ex patribus provinciae elegit sibi officiales irrequisito et inconsulto superiore provinciae, quod erat contra regularem exemptionem, immo et statuta particularia a S. C. de Propaganda fide agnita a. 1787. Deinde juribus provinciae in parochiarum provisione detrahit sibi vindicans totum regimen internum et externum, temporale et spirituale Vicariatus, propterea prohibuit domos parochiales translocandi, novas acquirendi ac nova oratoria erigere et benedicere absque suo consensu; obstabat superioribus provinciae in electione guardianorum; ac demum posuit se arbitrum in determinanda quantitate stipis a parochis respectivis conventibus tribuendae.¹⁰¹

Franciscani, ut contra talem aggressionem se praemunirent, duo ablegatos Romam miserunt pro expressa confirmatione jurium provinciae ac impetratione tituli »praeffectus missionum« suo provinciali. In primo enim puncto fundamentale eorum quaesitum erat: cum provincia non sit simplex missio, sed reapse provincia formalis sicut aliae in ordine »ideoque ne cuius nostrorum Vicariorum Apostolicorum in mentem veniret, et reapse tentaret, hanc antiquissimam provinciam ad formam simplicis missionis reducere et conventus atque regulares omnes, in omnibus suae jurisdictioni subicere, ipso provinciae nomine supresso«. Ut hoc vero facilius obtineatur, sit provincia immediate subjecta S. Sedi.¹⁰² Alterum punctum continet: cum provincia totam curam gerat de clero, utpote regulari, conveniens est ut provincialis titulo et juribus praefecti missi-

¹⁰¹ Jelenić, *Kultura i bosanski franjevci*, II, Sarajevo 1915, 27—28.

¹⁰² *Archivum Prop.*, Acta, 1835, v. 198, f. 200r—201r; Jelenić, *Izvori*, 135—6.